

Oqaasiliortut februaarip ulluisa 27-anni 2002, nal. 10.00
ataatsimiinnerannit imaqarniliaq.

Peqataasut: Carl Chr. Olsen, Nuka Møller, Kelly Berthelsen, Ella Skifte, Stephen Heilmann, allatsigalugu Kristine Olsvig.

Oqaluuserisassat:

1. Oqaluuserisassanik akuersineq.
2. Kingullermik ataatsimiinnermit imaqarniliamut akuersineq.
3. Ilisimatitsissutit.
4. *Kystledelsen*.
5. *Ret aamma retfærdig* - Ilulissat eqqartuussivianit saaffiginnissut.
6. Tusagassiuinermut periaasissat.
7. Oqaluuserisassat nassiunnissaannut killigititaq.
8. Taasariaqartut allat.

- 1 pillugu -


Oqaluuserisassat akuerineqarput.

- 2 pillugu -

Imaqarniliaq akuerineqarpoq.

- 3 pillugu -

CCO.: Nordisk Ministerrådip suleqatigiissitaata Sprogpolitisk referencegruppep
ataatsimiinnissaanut CCO peqataajartorluni marsip arfernanni aallassaaq.
Tassani Nordmålsprojekt ataatsimiissutigineqassaaq. Taassuma saniatigut siorna



Oqaatsinut politikissamik innersuusialaq "...oqaaserli" allattoqarfimmit piniarneqarpoq, qularnanngitsumik suleqatigiissitamit isumaliutigisassatut samminiarnearluni.

Kristine februaarip naanerani Oqaasileriffimmi atorfimminit soraassaaq.

Taartissaa Pia Knudsen marsip aqqarnanni sulilissaaq.

Nunat Aqqinik Aalajangiisartut toqqakkat nutaat qanittumi ataatsimiinnermini inissitsiterput. Ataatsimiinnermit imaqarniliaq Oqaasiliortunut ilisimatitsissutitut agguanneqassaaq. Inuit Aqqinik Akuersisartut pisortatigoortumik inissisimanerat pillugu pisortanit sulii qanoq iliuuseqarfigineqanngilaq. CCO-ip biskoppip tungaaniit iliuuseqartoqarsimanersoq paasiniassavaa.

- 4 pillugu -


CCO.: *Kystledelse*-p kalaallisut taaguutissaa siorna Oqaasiliortunit akuerineqarluni atortussanngortinneqartoq: **Napparsimmaveqarfinnik Aqutsivik** Peqqinnissaqarfiup Pisortaqarfianit ippigineqarluni immikkut ataatsimiissutigineqarpoq maannamullu nutaamik saaffiginnissutigineqaqqilluni. Oqaasiliortulli akuerisaat allanut ingerlatinneqarlutik suliaassiissutigeqqinneqarsinnaanngillat. Taamaattumik immikkut pisoqartillugu Oqaasiliortut aalajangersimasatik namminneerlutik suliareqqittariaqartassavaat.

ES.: Siorna Oqaasiliortunut saaffiginnissut itisilernerullugu nassuiarneqarsimanngilaq oqaaseq **peqqinneq** aallaavigalugu tunngavilersuisoqassasoq **napparsimmavik** il.il. napparsimanermut tikkuussisinnaasut qimakkiartuaarneqarlutik.

Oqaasiliortut aalajangiuppaat ataani taaneqartut kalaallisut ima taaguuteqassasut:

Kystledelsen - **Peqqissaaveqarfinnik Aqutsivik**

Sundhedscenter - **Peqqissaavik**



Sundhedsdistrikt - Peqqissaaveqarfik

ES.: Taakkununga ilagitillugit Oqaasiliortunit kingusinnerusukkut eqqartugassatut saqqummiunneqarput Peqqinnissaqarfinni sulisut atorfiisa kalaallisut taaguusersornissaat. Ajornartorsiutip tamassuma aaqqiissuteqarfiginissa nukinginnarsigaluttuinnarpoq sinerissami atorfiit assigiinngitsorpassuarnik taagorneqalermata.


- 5 pillugu -

Oqaluuserisap kalaallisut arlariinnik paasineqarsinnaanera pissutigalugu eqqarsaatigeqqitassatut misissoqqitassatullu kinguartinneqarpoq.

- 6 pillugu -

CCO.: Oqaasileriffiup nittartagassaa avataanut suliassiissutigineqarsimasoq suliarinnittunit maanna naammassineqarneragaalluni tunniunneqarsimasoq naammaginangilluinnartutut Oqaasileriffimmit nalilerneqarpoq. Suliassiissummut atortussatut tunniunneqarsimasut assigiinngitsut uterteqquneqarput. Tamatuma kingorna Oqaasileriffiup atorfeqartitaata Per Langgårdip itissusilerlugu isigineqarsinnaasunngorlugu suliarissavaa, aammalu Nuka Møller peqatigalugu imaasa nutartertuarnissaat isumagissallugit. Taanna naammasseriarpap Oqaasiliortut ataatsimiinnerannit imaqarniliat, aalajangiinermi allakkiat allallu tamanut soqutiginaateqarsinnaasut takusassiaralugit nittartakkamut ikkunneqartassapput.

Oqaasiliortut isummertariaqassapput paatsuunganartuliornerit eqqunngitsumillu nassuiaasiornerit naqqiissuteqarfigisassanerlugit uparuarsinnaajumallugillu. Kisianni aamma inuiaqatigiinnut paasisitsissutigissallugu




pingaaruteqarluinnartoq unaavoq, Oqaasiliortut oqaatsinut "politiitut" nalilerneqassanngimmata.

NM.: Skandinaviami oqaasilerisut inuiaqatigiit oqaatsiminnik atuinerannut naqqiissanatik maleruutiinnartartut tupigisarpaat Nunatsinni Oqaasiliortut kukkussutinut upaaruaasinnaammata aammalu oqalunnikkut malittarisassanut atuutsitsilluarniarnerat tupaallaatigisarlugu. Tamanna avataaniit maluginiarneqarneq erseqqinnerusumik atorluarneqarsinnaavoq tusagassiuutitigut saqquminerulernikkut.

KB.: Maluginiarsimavaa radio tusarnaarterpassuaqartartoq. Aallakaatitassiaq sunilluunniit qulequtaqartinneqarsinnaasoq "Isumaqarpunga" inuppassuarnik atorluarneqartarpoq, isumaqarporlu taanna oqaatsit pillugit oqallitsitsinermut atorluarniarneqarsinnaasoq. Taanna sakkugalugu aamma inuit namminneq paasinnittaasertik atorlugu oqaasiliortartut erseqqissaavigineqarsinnaapput, oqaatsit tamarmik naggueqarlutillu malittarisassaqaarmata. Tamanna namminneq Nutserisoqarfimmi maannamut annertuumik ajornartorsiutigisarpaat, allaat translætøritut ilinniarsimagaluartut allassimasaat iluarsaanniaraluarlugit atorsinnaanngitsutut utertiinaartariaqartarlugit. Taamaattulli ukuugajunnerupput Danmarkimi najugallit ilaat Nunatsinni oqaatsit ineriartornerannut pissutsinullu malinnaanngitsut.

SH.: KNR Oqaasiliortunit atorluarneqarsinnaalluarpoq Oqaasiliortunit inuiaqatigiinnut tusarliukkumasat aallakaatitassianut ukuusunut: "Ullaakkorsiutit", "Isumaqarpunga", "Oqalugiarfik", "Oqallisissianik oqalugiarfik" saqqummiussuullugit agguataarneqarsinnaapput.

Pisariaqartut aamma ilagaat Oqaasiliortunit allakkat susassaqaqarfinnut attuumassuteqartunut tamanut nassiunneqartarnissaat, paasiniaasimasut kisiisa akissummik nassinagit.



NM.: Radiokkut aallakaatitassiassaqqissutut sammineqarsinnaavoq naggueqatitta oqaasiinut tunngasutillit maannamut aalajangersarniarneqartut, ilaatigut soqutiginarluinnartunik imaqartut. NM-ip tamanna malinnaaffigilluaramiuk nammineq saqqummiussinnaavaa.

CCO.: Oqaatsinut politikiliornissamik innersuusialq "...oqaaserli" immikkoortunik oqaluuserisassaqqissorpassuarnik imaqarpoq. Inatsisartut ukiaru ataatsimiilinnginneranni taamalu aalajangiinnginneranni inuiaqatigiinnit oqallisigineqarluarnissaa pisariaqarpoq, taakku inatsisartut aalajangiinissaannut tunngaviliisussaammata.


- 7 pillugu -

Oqaluuserisassatut siunnersuutit Oqaasiliortut ataatsimiinnissaat sapaatip akunneranik ataatsimik sioqqullugu Oqaasileriffimmut anngunneqareersimasassapput aammalu ataatsimiissutissat ataatsimiinnissaq sioqqullugu kingusinnerpaamik tallimangornermi ilaasortanut agguanneqareersimasassallutik.

- 8 pillugu -

SH.: KNR-ip tusagassiiviisa immikkoortuini pingasuni silassamik atuaasarnermi assigiimmik taaguuteqalernissaq pisariaqartinneqarpoq. SH-ip taagueriaatsit assigiinngitsut pissariarissavai Oqaasiliortunullu assilineqarneri misissugassatut kingusinnerusukkullu naliliiffigisassatut nassiutissallugit.

NM.: Inuit Nunaanni imartat nunatat sinerissamilu aqqit pillugit nalunaarusialq Eva Aariak-mut misissorteriarlugu assilineqarnera Oqaasiliortunut ingerlateqqikkumavaa.



ES.: Nutserinermut tunngasut KIIP-imit Pisorta qarfinnut assigiinngitsunut tusarniaatigineqartut Oqaasileriffimmit qanoq isumaqarfigineqarnersut apeqqutigaa.

CCO.: Tusarniaanerit ingerlatinneqarneri KIIP-imit Oqaasileriffimmut ilisimatitsissutigineqaannarput. Peqqutaavoq oqaatsinut politikkkiliornissamik suleqatigiissitat Oqaasileriffimmi inissisimmammata taakkuullutillu nutserinermut tunngasunik allannguutissanik innersuussuteqartut.

Ataatsimiinneq tullegq pissaaq marsip 13-anni, nal. 10.00.

Carl Chr. Olsen
Siulittaasoq

Kristine Olsvig
Allatsi